



Lou çhaile visaidge de l'afaint endremi
È ses sondges douçats eüffre in tchairmou sôri.
Ses eüyes sannant çhôs, mains ès aint devisè
Drie les lâdes, lou s'roiye et sai tiève biâtè.

Les vaitches dains l'ètâle barrant les rét'lis,
Lou grant-père en sobots s'en vait vés ses mikis,
Les dgerainnes graijelant c'ment des évad'nées,
Dôs les païttes des tchouvâs soinne lou paivè.

Les bruts de lai tieûjainne, les raims qu'sont brijies,
Lai sentou di fouénat, di caf'ta, des reûties,
Breçant lou bé l'aifnat que s'embrûe dains ci djoué
Daivô son ainnonceince, et peus sai fiaince encoué.

Lou véjîn en çhiôtaint airraindge son femie.
Chu lai piaice lai Dyite et, bîn chur, lai Mélie
Baidgelant en patois, sains râte, è r'bousse meûtè,
Et l'afaint les r'cognât dains yote dyé djasè.

Bîntôt èl oûeye les seillots di laicélie,
Lou premie côp djoyou que tchaimpe lou cieutchie...
Pouéchqhe nôs sons dûemoinne, et, tot émiratçhè,
Lou sôri di boûebat dinnai l'é sailuè,

C'ment lai pierle de pus â coulèt de sai vie,
Lai prouve de l'aimouè di Père po son fé.

F. Busser

